

Pele Broberg-imut
Inatsisartuni ilaasortaq, Naleraq

Ulloq: 30-08-2024
Suliap normua: 2024 - 16568

Postboks 930
3900 Nuuk
Oqarasuaat (+299) 34 68 00
E-mail: asn@nanoq.gl
www.naalakkersuisut.gl

Paul Watson pillugu suliaq pillugu Pele Brobergimit § 37 naapertorlugu apeqqummut nr. 193-imut akissut

Asasara Pele Broberg,

Paul Watsonip Japanimut tunniunneqarsinnaanera pillugu KNR-imut oqaaseqaatikka pillugit Inatsisartut Suleriaasianni § 37 malillugu Naalakkersuisunut apeqquteqarsimavutit.

Naleqqamit tusagassiuutinut nalunaarut tunngavigalugu KNR uannut saaffiginnippoq. Ajortumik tusagassiuutitigut soqutiginnilersitsinerup pilersinneqarneranik Paul Watsonip nunatsinniinnera kinguneqartoq, Naleqqamit Tusagassiuutinut nalunaarummi nalunaarutigineqarpoq. Paul Watsonip Danmarkimut tunniunneqarnissaa Naalakkersuisut isumaliutigisimaneraat, aamma tamanna pillugu Inatsiseqarnermut ministereqarfimmut oqaloqatiginnittoqarsimanersoq, KNR-ip paasiumavaa.

Apeqqutinnut tulliuuttunik akissutissaqarpunga:

1. Inuutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq KNR nutaarsiassami "Naalakkersuisoq: Paul Watson nunatsinniiginnassaaq" 19. august 2024 ulloqartinneqartumi¹ eqqortumik issuarneqarsimava nalunaaruteqartinneqarsimavalu?

Akissut.

Taamaallaat allakkatigut akissummik KNR-imut tunniussisoqarpoq. Akissut imaappoq:

"Paul Watsonip Danmarkimut nuunneqarnissaa pillugu noqqaassuteqartoqarnissaa Naalakkersuisut isumaliutigisimanngilaat. Paul Watson nunami maani tigusaavoq taamaammallu taanna pillugu suliaq nunami maani, politiini eqqartuussivimmilu, suliarineqartussaavoq. Qallunaat parnaarussaagallartarfiannut nuunneqarpat, eqqartuussisoqartussaanerit tamaasa taanna Danmarkip Kalaallit Nunaatalu akornanni siumut utimullu angallanneqartartussaassaaq, tassami inatsisitigut eqqartuussisinnaffik Kalaallit Nunaanniimmat. Taamatut kissaateqarnerup tusagassiuutit suliamik soqutiginninnerat annikillisinnaviannngilaa, taamaammatt siunertaq Naleqqap

¹ <https://knr.gl/kl/nutaarsiassat/paul-watson-nunatsinniiginnassaaq>

siulittaasuata piumasaa, suliap ingerlanerani Paul Watsonip qallunaat parnaarussivianni inissinneqarneratigut eqqortinneqarnaviannngilaq.”

2. Nutaarsiassaq apeqqut 1-imiittoq aallaavigalugu, suliaq Paul Watson-imut tunngasoq pillugu oqaatigineqarsimasutut taaneqarsimavoq “*Tamannami annertuunngortitsillunilu akisussasoq, [Naalackersuisoq] oqarpoq*”.
 - a. Qanga Naalackersuisut Danmark naalagaaffiata oqartussaavianut, tassanngalu aningaasaqarneranut tunngasunut nalilersuisartunngoramik, namminneq oqartussaaviat “*akisussanersoq*” nalilersorsinnaalerlugu?
 - b. Suliaq pineqartumut Danmark oqartussaaffianiittumut Naalackersuisut aningaasartuuteqartarpat?
 - c. Qanga Naalackersuisut Naalagaaffeqatigiinnermi oqartussat (*Rigsmyndighed*), tassanngalu Danmark Naalackersuisuisa oqartussaaffianni aningaasaqarnerat sinnerlugu oqaaseqartaleramik, taavalu Naalackersuisut taakkua akisussaaffiannut oqartussaassuseqarpat?

Akissut:

Apeqqummut 1)-imut akissutigaa innersuussutigivara, tassanmi Paul Watson Danmarkimut nuunneqassagaluarpat aningaasartuutit pillugit aamma taamaammat tamatuma “*akisuujuunissaa*” pillugu oqaaseqarsimanngitsunga, takuneqarsinnaavoq.

Tamanna oqaatigereerlugu, nalinginnaasumik Kalaallit Nunaanni qallunaat akisussaaffeqarfiinut naammattunik aningaasaliisoqartarnissaata qulakkeerneqarnissaa, Naalackersuisut soqutigiuannarpaat. Tamanna ingerlaavartumik Naalackersuisut qallunaallu naalagaaffiata akornanni oqaloqatigiissutigineqartarpoq.

3. Nutaarsiassaq apeqqut 1-imiittoq aallaavigalugu, Naalackersuisoq pineqartoq ima issuarneqarpoq “*Danskinut tigummineqarallartussanngortinneqassaguni [...] eqqartuussisoqartussanngorneri tamaasa Danmarkip nunattalu akornanni siumut utimullu angallanneqartassaaq*”. Pineqartoq Danmark Kunngeqarfiata iluani, soorlu Kalaallit Nunaanneersumiit Danmarkimi sumiiffimmut nuunneqarnissaa Inatsisitigut periarfissaanngivissorpa?

Akissut:

Apeqqutip akineqarnissaanut Inatsiseqarnermut ministereqarfimmit oqaaseqaat tulliuuttoq pissarsiarineqarsimavoq:

"Kalaallit Nunaata Danmarkillu akornanni tigummigallagaasunut tunngatillugu ajornaatsumik paasinnittoqarnissaanut tunngatillugu, apeqqutip akinissaanut Rigsadvokat-imit aamma Direktoratet for Kriminalforsorg-imit oqaaseqaatinik Inatsiseqarnermut ministereqarfik pissarsisimavoq. Tassunga atatillugu, taama tulleriillutik, Kalaallit Nunaanni Politiinit aamma Kalaallit Nunaanni Pinerluttunik Isumaginnittunit oqartussaasut oqaaseqaatinik pissarsisimapput, taakkulu Kalaallit Nunanni eqqartuussisarnermik inatsimmi § 370-imi aamma Tigummigallagaaneq pillugu nalunaarummi nr. 1176-imi, 7. december 2009-imeersumi malittarisassat, oqartussaasut taakku isumaat malillugu, taamaallaat Kalaallit Nunaanni tigummigallagaaffiit akornanni nuussisarnerit malittarisassiukkaat, aamma Kalaallit Nunaata Danmarkillu akornanni tigummigallagaasut nuunneqarnissaannut periarfissaliissummik imaqqanngitsut, taakku ilaatigut nalunaarutigaat."

4. Nutaarsiassaq apeqqut 1-imiittoq aallaavigalugu, suliami inuup pineqartup Danmark-imut nuussinnaanissaa pillugu Naalakkersuisoq pineqartoq ima issuarneqarpoq "tusagassiuutit soqutiginninnerannut annikinnerulersitsinaviangilaq". Oqaatigineqartut taakkua, inuup taassani suliami pineqartumeersup Danmark-imut nuunneqannginnissaanut qanoq annertutigisumik aalajangiinermut tunngavilersuutaappat?

Akissut:

Tassunga atatillugu taakku pingaaruteqanngillat.

5. Naalakkersuisup, Naaja Nathanielsen-ip, qulanii taamatut suliaq pineqartumut oqaaseqarsimanera Naalakkersuisut tamarmiullutik isumaqatigaat?

Akissut:

Naalakkersuisut siulittaasuat Naalakkersuisuni ilaasortanut ataasiakkaanut suliaasaqarfinnik agguasarpoq. Taamaammat suliani Inatsisit Atuutsinneqarnerannut suliaasaqarfimmut tunngasuni Naalakkersuisut sinnerlugit oqaaseqaateqarpunga.

Inussiarnersumik inuulluaqqusillunga


Naaja H. Nathanielsen